

B. C. D.

DISPUTATIO GRADUALIS

DE

ELOQVENTIA
VETERUM,

Quam,

Consensu Ampliss. Senatus Acad. Aboens.

PRÆSIDE

HENRICO HASSEL,

Eloquentiae PROFESS. Reg. & Ordinar. Facultatis
Philosophicæ h. t. Decano,

Publico examini modeste defert.

NICOLAUS MALM N. F.

TAVASTIA - FENNO

Die D. V. XX. Apr. A:o MDCCXLVIII.

Loco horisqve convetis.

ABOAE,

Excud. JOH. KÆMPE, Reg. Acad. Typogr.

Hans Hag Edner.

VIRO Admodum reverendo Atque clarissimo
D_N. JACOBO MALM,
PASTORI in Vichtis dignissimo, Patruo ut unico, ita
qvois honoris cultu venerando.

VIRO plurimum reverendo atque clarissimo
D_N. GABRIELI
GOTTEBEN,
Vice PASTORI & Commissario Bicerneburgensium vigi-
lantissimo, Avunculo omni observantia colendo.

VObis, Patrue & Avuncule honoratissimi, Quibus
prolixo obstrictus sum, ob multa favoris & benivo-
lentiae documenta, munus hoc cartaceum, in signum de-
bitae observantiae, nec non spem ulterioris favoris, cum
salidissimo vero pro perenni Vestra Vestrorumque in-
columitate & flore, do, dico, & dedico.

NOMINUM VESTRORUM

obseruantissimus cultor
NICOLAUS MALM.

I. N. 3.

§. I

Duo sunt præcipue, quibus ipsa huma-
næ naturæ dignitas, a brutorum ani-
mantium conditione distinguitur, ni-
mirum ratio & oratio; quæ non frustra nobis
concessæ sunt dotes, verum ut sedulo excolan-
tur, excultæ ad hos adiplicantur usus, quibus
creatrix bonitas & sapientia illas destinavit. Pro-
inde rationis culturam eo majori industria
& alacritate cordatores semper adgressi sunt,
quo certius ipsis constitit, veram felicitatem,
hac neglecta sperari non posse. Nec unquam
defuerunt in orbe, qui alterum quoque do-
num, sermonem nempe expoliendum perficien-
dumque suscepserint, quicque indefesso studi-
o & labore id egerint, ut in veram &
masculam exsurgeret eloquentiam. Consistit
A hæc

haec præcipue in facultate pure, perspicue, apte, & ubi res postulaverit, ornate copioseque dicendi Haec suo nomine eo dignior censetur, quo exactius, quas enumeravimus virtutes, observat. Quæ apud veteres, quo nomine Græcos potissimum & Romanos intelligimus, arduæ hujus rei fuerint fata, nostrum jam est levi delineare penicillo. B. itaque L. perefficiole rogamus, ut quæ dicturi sumus, benignè excipiat.

§. II.

Omnes artes in Oriente primum excreuisse, & ad insigne fastigium perductas fuisse competimus. Atque licet veterum Orientalium libri, temporum injuria deperditi, ad nostram non pervenerint atatem, certissimis tamen id poterit constare indicis. Tantus enim viæ splendor, quantum in Oriente erat, sine scientiis ne intelligi quidem potest. Et quis ignorat in Chaldaea, Perside & Ægypto viros multiplici eruditione conspicuos floruisse? Fataentur ipsi Græci, se & Philosophiam, & cæteras, quæ ad humanitatem spectant, artes ab Orientalibus, præterim vero Ægyptiis accepis.

3

cepisse; quemadmodum plurimi eorum hue
protecti, ibique diutius commorati, pretiosissi-
mos eruditionis thesauros in patriam retulerunt.
Quin itaque apud Orientales Eloqventiae etiam
studia floruerint, nullum est dubium. Qvis
enim crederet homines exquisito vitæ cultu &
elegantia, oratione omnino rudes & agrestes
fuisset? Vel quomodo fieri potuit, ut quum
viri doctissimi publica negotia administrarent,
nullum in stylo eorum curia & civili cultioris
animi & eruditionis existaret vestigium? Id au-
tem admodum est verisimile, quod, quum
Philosophiam symbolico modo proponere ama-
verint, iidem allegorico delectati fuerint dicen-
di charactere. Quidque quod hic stylus genius
etiamnum apud Orientales reperiatur superstes.

§. III.

QVÆ ab Oriente in Græciam transmigra-
runt artes, ibi sedem & domicilium sat
commodum invenerunt. Præstantissimorum in-
geniorum largus hic exstitit proventus. Arden-
tissimum sciendi desiderium inerat multis. Nec
fortitudo solum bellica, ac cogita prudentia ho-
nori erant, sed varia etiam animi & corporis

4 exercitia. Hinc factum est, ut vix ullæ sine artes, sive manu, sive ingenio, sive utroqve absolvantur, quæ suos Athenis non habuerint cultores. Cæteras vero inter caput extulit Eloquenteria. Obtinebat hic libera regiminis forma. Negotia in publicis populi conventibus tractabantur. Magnus itaque erat Eloquentiæ usus, & qui dicendi facultate valebant, hi ad summos emergebant honores, & in civitate plurimum auctoritate valebant. Non igitur mirum, quod ad ultima retro secula, Eloquentia Attica suam referat originem. Jam temporebus Troësis, dicente Cicerone (a) tantum laudis in dicendo Ulyssi non tribuisse Homerus & Nestori, quorum alterum vim babere vultum, alterum gravitatem, nisi jam tum esset honor habitus eloquentie. Neque ipse Poeta hic tam idem ornatus in dicendo & plane orator fuisset.

(a) De Clar. Orat. p. m. 298.

§. IV.

Primus apud Græcos solutæ orationis laude eminebat Solon Atheniensis, quem septem inter

5

inter Græcæ Sapientes veterabatur posteritas.
De hoc commemorant auctores, qvod singu-
lari, qvam possidebat prudentiæ, insignem di-
cendi facultatem adjunxit; qvare etiam εὐδοκία
nuncupatus fuisse dicitur, non eo qvidem ten-
su, ac si Oratoriam esset professus, id enim
ab ejus instituto erat alienum; sed qvia in
ipsius oratione gravitas & sapientia reucebat.
(a) Huic animi candore ac virtute dispar
Pisistratus, Eloqventiæ facultate par, imo
codem superior erat; qui fraudulenta verbo-
rum dulcedine Athenienses adeo inescavit, ut
obnitente licet perspicacissimo ac patriæ aman-
tissimo Solone, avitam abjecerint libertatem, ac
regium Pisistrato imperium obtulerint. Post
hunc, Clitthenem pro eorum temporum ratione
Eloqventia valuisse restatur Cicero; (b) hunc
item excepisse Themistoclem, ut rerum bel-
licarum gloria illustrem, ita nec a dicendi ar-
tificio imparatum. Paulo junior erat Herodo-
tus, qui licet Historicus fuerit, propter singu-
larem tamen dictionis venustatem inter Orato-
res numeratur. Successit huic Damon, qvem
summum Sophistam appellat Plutarchus (i)

Pla.

Musicus tamen dici maluit, ut eo nomine occultaret dicendi vim, quam plurimi popularium ipsi invidebant. Hoc ipso tamen nihil effecit, eiiciebatur quippe nihilo secus ostracismo Athenis. Damonem secutus est Pericles, qui cum insigni prudentia politica, maximam eloquentiae facultatem conjunxit; adeo ut non verba, sed tonitrua & fulmina loqui diceretur; hinc testibus Plutarcho & Suida Olympius etiam est appellatus, immo referente Plinio (*a*), in veteri commedia dictum fuit, *in labris ejus leporem omni melle dulciorum habitasse*. Non igitur mirum, cum tantum in republica potestatis accepisse, ut quibusdam novus Pisistratus diceretur. His temporibus, Cleonem etiam turbulentum illum quidem civem, sed tamen eloquentem fuisse constat. Huic sunt etati suppare, Alcibiades & Critias Theramenes: quibus temporibus, quod dicendi genus viguerit, ex Thucydidis, qui tum floruit scriptis aliquo modo potest intelligi. Grandes erant verbis, cibri sententiis, compressione rerum breves, ob eam causam interdum subobscuri, ut scribit Cicerio (*e*)

(a) conf. Voss. de Rhet. nat. §^o const. c. X.

(b) in Bruto (c) In vita Periclis (d) lib.

epist. 20, ad Tacitum (e) in Bruto.

§. V.

Sequitur secunda sive florentissima Græca-nicæ Eloquentiæ ætas, qvæ duplicis generis Oratores comprehendit; qvorum unum politicum, alterum vero sophisticum dicendi genus seqvebatur. De politicis prius agamus. Primus inter hos Antiphon erat Rhæmnusius, qui scholæ superfluas & nugaces curas, ac tumidum sophistarum dicendi genus contemnens, aliud, qvod politicum complectebatur charactrem, introduxit. Ex orationibus, qvas reliquit, vim ejus in dicendo & efficaciam in persuadendo miris artificiis te insinuantem, sat abunde colligi posse perhibet Meroferius. (a) Hujus coætanæ tere erant Andocides, & Lysias, qui propriis & usitatis verbis utebatur, eoqve hoc assecutus est, ut cum loqueretur more consono, novam tamen exprimeret dicendi formam. Hic prius recentiorem induxit atticissimum, qvem Dionysius in eo ponit, qvod non res verbis sed verba rebus aptantur. (b) Ali-

quanto

8
qvanto junior erat Ilæus, Demosthenis præceptor, cui etiam Dionysius, Tribuit dictionem puram, accuratam, perspicuam, propriam, evidentem ac concisam. Coævus huic fuit Plato, non minor Eloqventiæ qvam Philosophiæ laude. *Quis enim inquit Cicero, (c) uberior in dicendo Platone? Jovem siquidem ajunt philosophi, si græce loqvatur, sis loqui.* Unde nec immerito Plinius Platonicam & sublimitatem & latitudinem laudat. *(d)* Sequuntur triumviri, Eloqventiæ laude clarissimi, Æschines, Demosthenes & Hyperides. Qvanta fuerit Æschinæ tacundia, vel tres ejus Orationes etiamnum superstites ostendunt, in qvibus dictionis elegantia & puritas cum argumentorum pondere pulcrum ineunt certamen. Reliqvas inter eminet, qvam habuit in Ctesiphontem, sive potius Demosthenem, & honores illi a senatu censente Ctesiphonte decretos; qvam, a Demosthene vicit, qvum exul Rhodiis prælegeret, adeo eos perculit, ut qvomodo vinci potuerit, omnino stupuerint. *(e)* Demosthenis Eloqventia semper admirabilis est viva, de qvo hoc extat Longini judicium, qvod

9

quod vi, celeritate, robore, vehementia ani-
mi denique, cuncta inflammet simul & abripiat,
procelloso cuidam turbini conferendus. (f) Com-
parisonem Demosthenem inter & Ciceronem
prolixè perseqvitur Plutarchus, ita qvidem, ut
cum eximio affectuum commovendorum artifi-
cio, suavitatem & singularem quandam judicij
maturitatem Demostheni asserat vindicetqve. A-
micus Demosthenis, & æqualis Hyperides erat,
patriæqve cum eo libertatis intrepidus vindex;
pro qua etiam mortem oppetiit, lingua ab An-
tipatro præcisa. Tantum vero dicendo valuit,
ut multi dubitaverint, illi ne an Demostheni
Eloquentiæ palma deberetur. Longinus hoc in-
ter utrumqve discrimen constituit, quod Hype-
rides plures, Demosthenes maiores facundiæ
virtutes possederit. Seqvitur jam Aristoteles, prin-
ceps inter discipulos Platonis, quem Vossius na-
turæ miraculum appellat, cuique Cicero (g)
tribuit incredibilem quandam cum copiam, tum
etiam suavitatem dicendi: & Halicarnassensis elo-
quenti peritiam, & perspicuitatem, & cum multi-
plici eruditione suavitatem. Nec Praeceptoris suo
multum Eloquentia cessit Tyrtamo, qui ob sin-

larem ; qva gaudebat Eloquentiam, ab Ari-
stotele Theophrasti nomen retulit. Reliqvos, ut po-
te Xenophonem, ob inexactam fravitatem, Mu-
sam Atticam dictum, Pythonem, Theopom-
pum, Lyeurgum, Demadem & alios præteri-
mus. Demochares autem & Demetrius Pha-
lereus, vel ideo observari merentur, quod licet
& ipsi Eloquentia multum valerent, genus tamen
dicendi, longe mollius & remissius inven-
ixerunt.

(a) Lib. VI. c. II. (b) conf. Voß. de Rhet
nat. E^o const. c. XI. (c) in Bruto (d)
Plin. Lib. I. ep. X. (e) conf. Morhof. T. I.
Lib. VI. cap. II. (f) Long. de Subt. Sect. 12.
(g) in Topicis.

§. VI.

AD Sophistas ut nos jam conferamus res
postulat. Exorti vero potissimum sunt
temporibus Periclis & Thucydidis; unde et
iam Cicero, (a) cum de Pericle, Alcibiade
& aliis egisset ista subiungit: *Sea ut intellectum*
est, quantam vim haberet accurata, E^o *sæcla*
quodammodo oratio, tum etiam magistri dicendi
multi subito extiterunt; tum Leontinus Gorgias,

Ibid.

Thrasymachus Chalcedonius, Protagoras Abderites, Prodicus Chius, Hippias Eleus, in honore magno fuit. Antiquissimus inter hos est Protagoras Abderites, quem Svidas refert primum Sophistae nomen accepisse, primum etiam contentiosas orationes invenisse, & orationis certamen iniisse, centumque minas a discipulis exegisse. Unde etiam sermo mercenarius dicebatur. (b) Protagoræ discipulus erat Prodicus, qui de singulari facundia gloriabatur. Hinc quosque nunquam, nisi soluta pecunia & quidem Svida teste, quinquaginta drachinis fecit lui audiendi copiam. Maxime vero celebris fuit, commento de Hercule adolescenti, quem mulieres dux oratione exquisita, una ad virtutis, altera ad voluptatis allicerent viam. Hos tamen & horum coetaneos Coracem & Tisiam, celebritate nominis longe superavit Leontinus Gorgias, Empedoclis discipulus. Jure hic sumum inter Sophistas tenet locum. In theatrum enim progressus, ut auctor est Philostatus, περβάνης est ausus dicere, hoc ipso deponens, ut auditores significant, quia potissimum de re ipsum verba facturum audire vellent. Admo-

dum vero gravem, ac supra modum sublimem dictionis structuram, quædam etiam non longe a dithyrambis distantia, protulit. (c) Hunc quoque primum usum fuisse eximiis dicendi figuris, & singulari artificii oppositis, & similibus ac aequalibus membris, & similiter cadentibus, ac desinenteribus, & aliis ejus generis scitamentis, scribit Diodorus Siculus (d). Inter Sophistas, ut reliquos brevitati studentes prætercamus, memoria quoque dignissimus est Hippias Eliensis, ut artium multitudine omnibus prior, ita Eloquentia quoque nulli secundus. (a) in Bruto (b) confer. Voss. de Rhet. nat. & const. C. X. (c) consul. Dionys. Halicarnass. (d) libr. XII.

§. VII.

Vergentem Svadæ Græcanicæ ætatem numeramus ab Athenis a Sulla captis. Inde enim perdita reipublicæ libertate, exiguis erat usus Eloquentiæ, & quæ obtinuit, Scholastica potius censeri debet, quam civilis, ejusque cultores non tam Oratores dicendi sunt, quam Rethores, quorum diu in Græcia magnus fuit numerus. Sic Græcos habuit Cicero dicendi ma-

magistros, nempe Molonem Rhodium, Demetrium Syrum, & alios, qvorum principem Stratonicensem fuisse ipse testatur. (a) Cæsar is Augu-
sti tempore vixerunt Arelius Fuscus Asiaticus, qvi græce lvalorias scripsit, & Clodius Sabinus, qvi Græca & Latina utebatur dictione. Neuter tamen eruditis satistecit auribus. (b) Inde aliquamdiu prope intermortua fuit Eloqventia Græcanica. Reviviscere tamen cœpit sub impe-
rio Vespasiani, qvi Tranquillo teste, Elo-
quentiam tanto complexus est favore, ut e-
jus cultoribus etiam annum constitueret stipen-
dium; qva gratia quoque Philostrato, qvi tum
Eloqventia valuit, frui licuit. At majora ce-
pit incrementa, Domitiani, Nervæ & Trajani
ætate. Tum viguit Dion Prusaënsis, qvi fa-
cundia Chrysostomi nomen meruit; item Ni-
cetes Smyrnæus, ideo memorabilis, qvod ju-
dicale dicendi genus, Sophistico exornavit,
& Sophisticum roboravit judiciali. Sed lon-
ge altius adhuc Eloqventia caput extulit sub-
Adriano, cujas temporibus vixerunt Phavori-
nus Dionis discipulus, Scopelianus & Herodes
Atticus, vir in extemporanea dictione felicis-
simus.

simus. Exinde sub Antonio Pio vixit Aelius Aristides, Herodis & Polemonis discipulus, in dicendis, quæ præmeditatus fuerat, plane admiri-
randus, sed ad subitam dictiōnem minus idoneus. Post Aristidem clāruit Eloqventiæ laude Longinus Zenobias dicendi magister. Sub Constantino Magno vixit Sopater Syrus, dicendi juxta & scribendi validus. Densa autem in-
primis facundorum hominum seges exsistit sub facundo Juliano Apostata. Cæteros inter no-
minemus, Libanium, cum quo Imperator ipse familiare commercium epistolicum coluit. Re-
liquos ut Proæresium, Eusebium Himmerium
& alios tacendo præterimus.

(a) In Bruto (b) conf. Voß. de Rhet. nat.
& const. cap. XII.

§. VIII.

Quemadmodum pagani omnium artium inventionem ad Deos ipsorum referunt, ita Mercurium nonnulli Oratoriæ faciunt aucto-
rem, quem proinde a Græcis ἄριον appellatum fuisse contendunt. Præterea alii ab Her-
cule, alii a Polymneja prima ejus initia repe-
tunt. (a) Sed hæc ut nimis fabulosa præter-
imus.

imus. Antiquissimi scriptores asserunt, Pithe-
um Thesei avunculum, primum in hac arte
elaborasse, quem dicunt Trœzene in templo
Musis exstructo ab Ardalo (unde & Musæ Ar-
dalides dictæ) Oratoriam tradidisse, de quo
ea edidisse librum, quem a se lectum scribit
Pausanias. (b) Nec desunt, qui hanc inven-
tio
nis laudem vel Empedocli, vel Coraci vel Ti-
six vel aliis adscribant. (c) Nostra hæc est
sententia, artem dicendi id habere cum plus
ribus aliis commune, quod prima eius incuna-
bula vix ac ne vix quidem possint investigari.
Præreuntem nobis habemus Aristotelem, cu-
jus hæc sunt verba: *Qui principia invenerunt,*
omnino ad exiguum quid sunt progressi; *Qui*
autem celebriores habentur, accepta a multis,
velut ex successione particulatim promoventibus
auxerunt. *Quamobrem nihil mirandum,* si
ars ad multitudinem grandam præceptorum
exereverit. (d) Nihilo minus hoc cer-
tum est, quod circa tempora belli Pelo-
ponnesiaci magni nominis Rethores apud Græ-
cos floruerint. Protagoras Abderites, Leonti-
nus Gorgias, Trytmachus Chalcedonius & a-

hi, qui tamen potius referri merentur inter Sophistas. Sed ob exultum aliisque traditum, genus descendit virile, & civilibus negotiis aptum, celebrantur, Antiphon Rhamnusius, Andocides, Lysias & alii, quibus tamen & Isocrates & Plato & Aristoteles palmam præripuerunt. Isocrati hanc laudem tribuit Cicero, (e) quod domus ejus cunctæ Græcie, quasi ludus quidam patuit & officina diuendi, quod magnus fuit Orator, & quamquam forensi luce caruit, intra privatos tamen parietes illam aluit gloriam, quam pauci postmodum sunt consecuti. De Platone constat, quod variis in dialogis, nimirum Gorgia, Hippia & Protagora, characterem expressit veræ Eloquentiæ, eamque distinxit a fucata Sophistarum garrulitate. Aristoteles denique, non minus Eloquentiæ facultate, quam philosophico acumine instructus, Oratorium in formam scientiæ primus redegit, & exigua trium librorum mole fere omnem exhausit Reliquos, utpote Dionysium Heli-carnassensem, Hermogenem, Longinum cæterosque silentio involvimus, qui ut suis non carce

carebant meritis; ita eorum, quos modo diximus, gloriam non attigerunt.

(a) *Vid. Voss. de Rhet. nat. &c con. c. IX.*

(b) *vid. Pausaniam in Corinthiacis (c)*

Sextus Empir. adversus Math. Lib. VIII. Fab.

L. III. c. I. & Cicero in Bruto (d) cap.

ult. Libb. de Sophist. elenchis. (e) in Bruto.

§. IX.

NEc dissimulandum videtur, arti Oratoria, inde a primo, quo in Græcia excoli coepita est, tempore, multum sapientia vitii adhaesit. Inprimis illam corruerunt, & in artem quendam nugatoriam converterunt Sophistæ. Hi intolerabili arrogantia se docere profitebantur, quomodo causa inferior dicendo fieri superior posset. De Protagora refert Diogenes Laërtius, quod dixerit, de omni re duas esse rationes contrarias. Eandem quoque reliqui ejus tacis homines inflarunt tibiam. Tanta vero apud eos invaluit garriendi consuetudo, ut nulla res esset neque tam ardua, neque tam improvisa, de qua non omnia, quæ dici possunt, profiterentur se esse dicturos. Atque, cum hoc unum spectarent, ut facultatem acquirerent de quovis argumento in utramque

partem differendi, eamque ex consuetudine
 magis, & exercitatione, quam rerum ipsa-
 rum cognitione, & veritatis indagatione pen-
 dere facile inteligerent, non potuit non fieri,
 ut de aciendo iudicio, & cognoscendis di-
 sciplinis parum solliciti, scribendis & recitan-
 dis Orationibus omne tempus impenderent. Pro-
 inde, si quam Philosophiae dederunt operam,
 non id sibi propositum habuerunt, ut verita-
 tem invenirent, sed ut viderentur docti, &
 quemadmodum de illis loquitur Johannes Cleri-
 cius (a), ut philosophiae spoliis ornarent oratio-
 nes, apud judices aut populum habendas. Hos
 rum stultitiam Socrates, Philosophiae Græcanicæ
 parens, acriter perstrinxit; cuius institutum ge-
 nuius ejus discipulus Plato variis in Dialogis
 persequebatur. Nec a Præceptoris exemplo de-
 flexit Aristoteles, qui duos contra Sophistas li-
 bros consignavit. Hi tamen & plures Philoso-
 phiae ac Eloquentiæ vindices, opprimendæ lo-
 quacitati sophisticæ non suffecerunt, quæ multis
 post seculis in Græcia se propagavit.

(a) in Arte Critica p. II. S. I. XVII. Num. 5.

§. X.

A Græcis ad Romanos jam faciamus trans-
 itum,

itum, apud quos diu etiam viguit Eloquenteria. Inde enim a primis reipublicæ initiis, magni ponderis negotia in ipso populi conventu peragabantur. Ibi nempe reges eligebantur, & creabantur magistratus, ibi ferebantur & abrogabantur leges, ibidemque de bello & pace decernebatur. Quin igitur insignis hic fuerit Eloquenteria usus, dubitari negvit. Tanta quoque multitudo civium, quæ sub regio imperio multum libertatis retinuit, non facile nisi persuadendo facti potuit & moderari. Neque antiquissimo isto tempore, a supremo civitatis Romanæ concilio exclusa fuit Eloquenteria. Sub Romulo primum centum facti sunt senatores, qui numerus deinde ducentis augebatur. In tanto vero illustrum virorum confessu admodum est probabile, non confusim & temere, sed ordine & pro temporum istorum ratione facunde dictas tuisse tententias. Exterminata vero regio imperio, cum populus & senatus, pleniori sibi vindicasset libertatem, majora mox Eloquenteria cepit augmenta. Sic Junium Brutum funebri Oratione decoravit collega ejus P. Valerius. Atque dubitat Dionysius Halicar-

nassensis, (a) primus ne hunc morem instituerit, an a regibus institutum fuerit secutus. Nec multo post exsplenduit facundia Menenii Agrippae, qui gravem & extrema civitati minitantem seditionem, apta & ingeniosa fabula compescuit. (b) Deinde Appius Claudius Cæcucus, quem de pace, cum Pyrrho Epirotarum rege ineunda ageretur, lecula in senatum delatus, gravi Oratione turpes pacis conditiones discussit. Quæ Oratione apud Plutarchum exstat, lisdem temporibus vixit Fabricius, qui de recuperandis captivis ad Pyrrhum regem missus, insignem prudentiam senatoria Eloquenter ornavit. Bello Punico secundo, vixit Cornelius Cetegus, qui flos delicatus populi svadæque medulla ab Ennio apud Tullium (c) adpellari meruit. Tempore vero belli Punici tertii, Catto Centorius, Scipio Africanus & Lælius fluerunt. Catonis tergemina laus hæc fuit, quod optimus esset Senator, optimus Imperator, & Orator optimus. (d) Immo Romanus Demosthenes idem vulgo adpellabatur. De Scipione & Lælio tale fuit Ciceronis (e) judicium: "Mos est hominum, ut nolint eundem pluribus rebus

excellere. Nam, ut ex bellica Laude adspira-^{re} ad Africanum nemo potest, in qua ipsa e-[“] gregium Viriati bello reperimus fuisse Lælium; “ Sic ingenii, Literarum, Eloqventiæ, sapientiæ denique, et si utriqve primas, priores tamen libenter deferunt Lælio. Nec omittere decet eo rum temporum Oratores, Sempronium Tuditanum, qui facundissimus habebatur, (f) & Servium Galbam, quem cum Lælio & Scipione ita comparat Cicero, ut Lælio elegantiam, Scipioni maiestatem, Servio vim Orationis tribuat. Postea Lepidus floruit, de quo Tullius, (g) Hoc in Oratore Latino primum mihi videtur, & lenitas illa Græcorum, & verborum comprehensio apparuisse, etiam artifex, ut ita dicam, stylus. Hunc fecuti sunt C. Carbo & Gracchi. De Carbone judicat Cicero: Si talis ipsi mens, ad rem publicam bene gerendam fuisse, quale ingenium ad bene dicendum fuit, profecto nemo ipsi gloria prestitisset. (h) Tiberium Gracchum, sic laudat Plutarchus (i), ut dicat eum sedatum, ac mitem, egregium elicienda misericordia artificem, purum & exquisite elaboratum fuisse. De Cajo dubitat Cicero, an quemquam eloquen-
tia

tia parem habuerit, qui grandis fuerit verbis,
 sapiens sententiis, & toto genere gravis. Hos
 plurimi deinde circa & post Sullana tempora,
 Eloqventiae laude insignes conseqvebantur, quo-
 rum nonnullos tantum nominasse sufficiat.
 Crassus eloquentium Jurisperitissimus, P. Sulpi-
 cius jurisperitorum Eloquentissimus habebatur.
 In Antonio Orationis veneres ac leporem com-
 mendat Plutarchus. De Hortensio scribit Cice-
 ro; (k) *Erat is verborum splendore elegans,*
compositione aptus, eaque erat, cum summo in-
genio, tum exercitationibus maximis consecutus.
Rem complectebatur memoriter, dividebat acute,
nec prætermittebat fere quicquam, quod esset
in causa, aut ad confirmandum aut ad refellen-
dum. Vox canora & suavis, motus & ge-
stus, etiam plus artis habebant, quam erat Ora-
tori satis. C. Curionem, a magistris parum
institutum, naturam tamen admirabilem ad
dicendum habuisse idem testatur. C. Licinium
Calvum, Oratorem fuisse, Curione cum lite-
ris eruditorem, tum etiam accuratius quod-
dam dicendi genus attulisse perhibet quoque
Tullius. (l) Cælium, Asinium, Brutumque
præ-

præterimus, qvorum singulis lœx erant dotes
& particulaRIA merita. Cæsar autem ut inge-
nio valuit stupendo, qvod pertinaci qvadam
& invicta industria excoluerat, ita ad bellicam
gloriam, qva lœx ætatis omnes longe supera-
vit, hanc etiam addidit laudem, qvod Elo-
quentia vix cuiquam esset secundus. Hic e-
nim *splendidam* qvandam, minimeque veterato-
riam rationem dicendi tenuit, voce, motu, for-
ma etiam *magnifica* & *generosa*. (m) Multæ
etiam Marci Callidii in dicendo laudes erant;
qvas cum Tullius (n) enumerasset, hæc sub-
jungit: Si est optimum fraviter dicere, nihil
est, qvod melius hoc querendum putas. Ad
Ciceronem nos ordo jam perducit, de qvo
multis dicere qvid attinet qvum tantas in
eum lauds, congesserit omnis erudita posteri-
tas, qvantæ Oratorum contigerunt nemini. In
hoc enim naturam experiri voluisse qvibusdam
est vilum, qvantum valeret Eloquencia. Nec
defuerunt, qvi eum non solum Eloquentia pa-
rentem, sed ipsam Eloquentiam adpellarint. (o).

§. XI.

(a) Lib. V. ant. Rom. (b) Liv. II. XXXII.

(c) in Bruto (d) Pün. lib. VII. cap.

*XXVII. (e) in Bruto (f) Liv. XXIX. (g) (h) conf.
Brutum. Ciceronis. (i) in Gracchis [k]
(l) (m) vid. Brutum. (n) in Bruto (o)
conf. Voß. de Rhet. nat. § const. cap. XIV.
§. XI.*

IMo etiam post Ciceronis tempora satis lar-
gus apud Romanos exstitit Oratorum pro-
ventus. Cæsar is enim Octavii laudes hoc ma-
xime illustravit, quod artium ingenuarum, eo-
rumque, qui harum culturæ se devoverant,
singulare in se suscepit patrocinium. Ob Elo-
quentiam tum celebres erant Munatius Plancus,
Ciceronis discipulus, & Valerius Messalla Cor-
vinus, vir & magnæ auctoritatis & antiquæ
nobilitatis, adeo ut triumviris etiam fuerit for-
midabilis. (a) Ejusdem ætatis quoque fuerunt
C. Asinius Pollio, cuius adhuc quædam ad Ci-
ceronem exstant epistolæ; & Passienus quem
Eloquentissimum & sui temporis principem Ora-
rem dicit Seneca. (b) Qvanti nominis hic fuerit
etiam illud ostendit, quod Asinius Pollio cum
Passieno eum Augustus commendaret, nec cu-
raret, interrogatus, quare non tanti viri gra-
tiam complectetur, respondit ideo fieri, *ut*

ne Passieni splendore, fama ejus propius admota
extingueretur. (c) Tum quoque vixerunt M.
Porcius Latro, quem amicum & sodalem suum
fuisse indicat Seneca; (d) quemque Ovidium,
licet diversum dicendi genus sequeretur, admis-
ratum fuisse perhibet; & T. Cassius Severus,
quem Quintilianus \mathcal{E} varietate eruditionis, \mathcal{E}
leopore urbanitatis, \mathcal{E} ipsarum virium robore
multum ceteros superasse dicit (e). Huic per-
quam familiaris fuit Titius Labienus, qui adeo
libera utebatur lingua, ut a maledicendi ra-
bie Rabienus vocaretur (f): Ad hæc quoque
tempora referri debent Fabius Quintilianus, non
ille, cuius habemus oratoriarum institutionum
libros, sed ejus parens sive avus; Sextus Ju-
lius Gabinianus, & C. Asinius Gallus, Asinii
Pollionis filius; quem patris magnitudinem
non tam produxisse quam obruisse dicit Vossius (g). Exsisterunt quoque post hæc tempo-
ra satis multi Oratores, a quibus tamen recen-
sēndis supercedemus; præcipue quoniam magis
magisque a puritate latini sermonis delicebant.
Præterea sub monarchica regiminis forma, Elo-
quentia, cuius in libero reipublicæ statu maxi-

ma erat vis, paulatim cœpit remittere. Remanebant quidem sub Imperatoribus pristina instituta, sed non tam re ipsa, quam umbra & specie externa. Scilicet freqvens conveniebat senatus, dicebantur sententiae, convocabantur comitia, & in illis ut olim, ad populum habebantur orationes; sed res tamen omnes earumque exitus ab uno Principis arbitrio pendebant. Proinde Eloquentia, quæ in civitate domina fuerat, tandem serva facta est & adulatrix.

(a) Conf. Voss. de Rhet. nat. & const. c. XV.
 (b) controvers. XIII. (c) Sen. Controvers. XXXIV. (d) In præf. lib. I. Contr. (e) Quinctil. lib. X. (f). (g). Voss. de Rhet. nat. & const. c. XV.

§. XII.

QVOS autem jam enumeravimus, & plures alios apud Romanos facundissimos viros, admodum credibile imo certum est, non solum naturæ beneficio, sed etiam arte adiutos, tales existisse. De Oratoriæ itaque ortu & progressu apud illos, ut paucis exponamus nobis incumbit. Qvo vero tempore

re hæc primum in civitatem recepta sit defini-
 re non valemus. Ab antiquissimis inde tempo-
 ribus scientias Græcanicas a Romanis magni-
 ãstumatas fuisse, ex monumentis antiquitatis satis
 colligi potest. Quid igitur Oratoriam quoque
 jam tum in deliciis habuerint, nulli dubitamus.
 Neque tam ex odio artis, quam propter vitia
 Rectorum factum putamus, quod hi ex sena-
 tus consalto duobus edictis, Caio Fannio Stra-
 bone & Marco Valerio Messalla Consulibus, ex
 urbe proscripti fuere. Primus qui Romæ artis
 ficiosam orationem compenere docuit, Plotius
 Gallus perhibetur fuisse, [a] qui circa extre-
 ma L. Crassi tempora, Cicerone adhuc puer,
 vixit. Hunc deinde plures sunt secuti, sed
 tamen ejusdem cum ipso nempe libertini gene-
 ris usque ad Blandum, de quo Seneca: (b) ha-
 buit Fabianus Blandum Rhetorem preceptorem,
 qui eques Romanus Romæ docuit. Ante illum
 intra libertinos preceptores pulcherrima discipline
 continebantur: Et minime probabili more turpe
 erat docere, quod honestum erat discere. Verum
 quemadmodum Plotius primus Oratoriam Ro-
 mæ docuit, ita primum de ea scripsisse Cato-
 nem.

nem Censorium testatur Fabius, (a) qvædam etiam incepisse Marcum Antonium; qvos item mox alii, sed minus nobiles, secuti erunt. Maxima vero Rhetoricæ dedit incremen- ta M. T. Cicero; cuius ut in rempublicam Romanorum civilem & literariam omnem innumerâ sunt merita; ita hac etiam in arte varia adhuc existant ingenii monumenta, ex qvibus ab- unde colligi potest, qvantum operæ in eam ex- poliendam collocaverit. Hujus vestigia preme- re qvam plurimi deinde sibi proposuerunt: omnibus tamen palmam præripuit Qvinetilianus; qui licet recentiori, nempe Domitiani tempore vixerit, ut optimus tamen Italix Magister, & veteris Eloqventiæ restaurator iure meritoqve laudatur.

(a) Voss. de Rhet. nat. § const. c. XIII. (b) præf. Lib. II. cont. (c) Fab. lib. III. c. I. §. XIII.

DE cætero, qui olim Romæ Eloqventiæ o- peram navarunt, variis instituto eorum convenientibus exercitiis vacabant. Vel e- nim ex historiis antiquis, aut rebus qvæ nu- per evenerant, selecta argumenta laudando aut
vitupe-

vituperando, iudicando vel dissuadendo tractabant; quæ exercitationes tempore Ciceronis caussarum nomine veniebant. (a) Vel etiam in virtutibus extollendis ac vitiis deprimentibus facundia vires intendebant; quod exercitii genus declamationum adpellatione insigniebatur. (b) Postmodum autem ea invaluit instituendi ratio, ut adolescentes in scenas Scholasticorum ducerentur, qui eos domi exercebant in declamationibus de rebus fictis, quarum omnis virtus in sola sententiarum verborumque cultura existit. (c) Tum referente Petronio, (d) nihil ex iis, quæ in usu erant, audiebatur, sed pirata exempli gratia cum ceteris in litore stantes, & tyranni edicta scribentes, quibus imperent filiis, ut patrum capita præcidant, sed responsa in pestilentia data, ut virginis tres aut plures immolentur, sed melliti verborum globuli, & omnia dicta factaque quasi sesamo vel papavere sparsa. Hinc assentit idem Auctor, juvenes qui ejusmodi nugas imbiberant, in scholis factos esse stultissimos. Auctor Dialogi de Caussis corruptæ Eloquentiæ alio ex capite deducit corruptam sui

in temporis Eloquentiam ; qvod non in tanto honore suis ac pricis temporibus habentur Oratores, item qvod nec tam necessarii in monarchica essent regiminis forma, quam in libera fuerunt. Minor inquit Oratorum obscuriorque est gloria inter bonos mores, & in obsequium regentis paratos. Quid enim opus est longis in senatu sententiis, cum optimi cito consentiant? Quid multis apud populum concessionibus, cum de republica non imperiti & multi deliberent, sed sapientissimus unus? etc. [e] Et licet faciles concedamus plures causas ad hunc effectum produendum concurresse; hanc tamen, quam ultimo loco attingimus, praecipuam fuisse existimamus.

(a) Voß. de Rhet. nat & const. t. IV. (b)
c. XVI. (c) Fab. Quinct. Dial. c. XXXV.
(d) Petron. Arb. c. I. (e) Fab. Quinct.
Dial. c. XLI.

